

## PERISTIWA DUA KIBLAT

الْحَمْدُ لِلَّهِ الَّذِي أَرْسَلَ رَسُولَهُ بِالْهُدَىٰ وَدِينِ الْحَقِّ لِيُظْهِرَهُ عَلَىٰ الدِّينِ كُلِّهِ وَلَوْ كَرِهَ الْمُشْرِكُونَ، أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ، وَأَشْهَدُ أَنَّ سَيِّدَنَا مُحَمَّدًا عَبْدَهُ وَرَسُولَهُ، اللَّهُمَّ صَلِّ وَسَلِّمْ وَبَارِكْ عَلَىٰ سَيِّدِنَا مُحَمَّدٍ وَعَلَىٰ آلِهِ وَأَصْحَابِهِ وَمَنْ تَبِعَهُمْ بِإِحْسَانٍ إِلَىٰ يَوْمِ الدِّينِ.

قَالَ اللَّهُ تَعَالَىٰ فِي كِتَابِهِ الْعَزِيزِ

أَعُوذُ بِاللَّهِ مِنَ الشَّيْطَانِ الرَّجِيمِ

وَمَنْ حَيْثُ خَرَجْتَ فَوَلِّ وَجْهَكَ شَطْرَ الْمَسْجِدِ الْحَرَامِ <sup>ط</sup> وَإِنَّهُ لَلْحَقُّ مِنْ

رَبِّكَ <sup>ط</sup> وَمَا اللَّهُ بِغَفِلٍ عَمَّا تَعْمَلُونَ ﴿١٤٩﴾

أَمَّا بَعْدُ، فَيَا عِبَادَ اللَّهِ، اتَّقُوا اللَّهَ حَقَّ تُقَاتِهِ وَلَا تَمُوتُنَّ إِلَّا وَأَنْتُمْ مُسْلِمُونَ.

Marilah kita berusaha meningkatkan keimanan dan ketakwaan kepada Allah Subhanahu wa Taala dengan melaksanakan segala suruhan dan menjauhi segala larangan-Nya. Mudah-mudahan kita beroleh keampunan di dunia dan akhirat.

## Sidang Jumaat yang dirahmati Allah Subhanahu wa Taala.

Terdapat banyak peristiwa penting dalam sejarah Islam berlaku pada bulan Syaaban. Salah satunya adalah peristiwa perubahan arah kiblat dari Masjidil Aqsa di Palestin ke Masjidil Haram di Makkah. Ia berlaku pada bulan Syaaban tahun kedua Hijrah.

Dalam kitab *al-Tabaqat* karangan Ibnu Saad, diriwayatkan bahawa Rasulullah Sallallahu Alaihi Wasallam telah menziarahi Ummu Bisyr bin al-Barra' bin Mabrur di kawasan perkampungan Bani Salamah. Ummu Bisyr menyediakan jamuan untuk Rasulullah Sallallahu Alaihi Wasallam dan para sahabat Baginda.

Apabila masuknya waktu Zuhur, Baginda Sallallahu Alaihi Wasallam mendirikan solat di masjid perkampungan itu. Ketika Baginda Sallallahu Alaihi Wasallam berada dalam rakaat yang kedua, turun wahyu daripada Allah Subhanahu wa Taala memerintahkan supaya Baginda menukar arah kiblat daripada menghadap Masjidil Aqsa ke arah Kaabah di Masjidil Haram, Mekah . Firman Allah Subhanahu wa Taala dalam Surah al-Baqarah ayat 144:

قَدْ نَرَى تَقَلُّبَ وَجْهِكَ فِي السَّمَاءِ ۖ فَلَنُوَلِّيَنَّكَ قِبْلَةً تَرْضَاهَا ۗ فَوَلِّ وَجْهَكَ شَطْرَ  
الْمَسْجِدِ الْحَرَامِ ۗ وَحَيْثُ مَا كُنْتُمْ فَوَلُّوا وُجُوهَكُمْ شَطْرَهُ ۗ وَإِنَّ الَّذِينَ أُوتُوا  
الْكِتَابَ لَيَعْلَمُونَ أَنَّهُ الْحَقُّ مِنْ رَبِّهِمْ ۗ وَمَا اللَّهُ بِغَفِلٍ عَمَّا يَعْمَلُونَ ﴿١٤٤﴾

Yang bermaksud: *Kerap kali Kami melihat engkau (Wahai Muhammad), berulang kali mendongak ke langit, maka Kami benarkan engkau berpaling menghadap kiblat yang engkau sukai. Oleh itu, palingkanlah mukamu ke arah Masjidil Haram (Kaabah), dan di mana saja kamu berada, maka hadapkanlah mukamu ke arahnya. Dan sesungguhnya orang (Yahudi dan Nasrani) yang telah diberikan kitab mengetahui bahawa perkara itu (pemindahan kiblat Kaabah) itu adalah perintah yang benar daripada Tuhan mereka. Allah sekali-kali tidak lalai akan apa yang mereka lakukan.*

Selepas turunnya ayat ini, Baginda Sallallahu Alaihi Wasallam terus berpaling menghadap ke arah Kaabah kemudian terus menyambung baki solat Baginda bersama sahabatnya. Masjid itu dinamakan Masjid Qiblatain yang masih ada di Madinah hingga ke hari ini.

Selepas peristiwa tersebut, golongan munafik dan orang Yahudi cuba mempersenda dan meragui tindakan Rasulullah Sallallahu Alaihi Wasallam. Mereka mempersoalkan apakah punca yang menyebabkan Muhammad dan kaum Muslimin berpaling daripada kiblat mereka selama ini.

Sebagai jawapan kepada pertanyaan golongan munafik dan orang Yahudi kepada persoalan yang sengaja dibuat-buat itu, Allah Subhanahu wa Taala menurunkan ayat 142 daripada Surah al-Baqarah. Firman-Nya:

﴿ سَيَقُولُ السُّفَهَاءُ مِنَ النَّاسِ مَا وَلَّيْتُمْ مَا وَوَلَّيْتُمْ أَلَيْسَ اللَّهُ بِذِي فَضْلٍ عَلَى الَّذِينَ آمَنُوا أَلَيْسَ اللَّهُ بِذِي فَضْلٍ عَلَى الَّذِينَ آمَنُوا أَلَيْسَ اللَّهُ بِذِي فَضْلٍ عَلَى الَّذِينَ آمَنُوا أَلَيْسَ اللَّهُ بِذِي فَضْلٍ عَلَى الَّذِينَ آمَنُوا ﴾

﴿ سَيَقُولُ السُّفَهَاءُ مِنَ النَّاسِ مَا وَلَّيْتُمْ مَا وَوَلَّيْتُمْ أَلَيْسَ اللَّهُ بِذِي فَضْلٍ عَلَى الَّذِينَ آمَنُوا أَلَيْسَ اللَّهُ بِذِي فَضْلٍ عَلَى الَّذِينَ آمَنُوا أَلَيْسَ اللَّهُ بِذِي فَضْلٍ عَلَى الَّذِينَ آمَنُوا أَلَيْسَ اللَّهُ بِذِي فَضْلٍ عَلَى الَّذِينَ آمَنُوا ﴾

Yang bermaksud: *Orang yang bodoh dalam kalangan manusia (kaum Yahudi dan Musyrikin) akan berkata: "Apakah yang menjadikan orang Islam berpaling dari kiblat mereka selama ini?" Katakanlah (wahai Muhammad): "Timur dan barat adalah kepunyaan Allah." Allah memberikan hidayah kepada sesiapa yang dikehendaki-Nya ke jalan yang lurus (agama Islam).*

Peristiwa perubahan arah kiblat merupakan suatu tamparan yang hebat kepada orang Yahudi yang selama ini berbangga dengan kiblat mereka iaitu Baitulmaqdis. Mereka mencemuh dan mengejek umat Islam kerana mengikut kiblat orang Yahudi sebelum ini. Walhal, kewajipan menghadap kiblat ketika solat adalah satu perintah dan ketetapan daripada Allah Subhanahu wa Taala. Inilah sebenarnya konsep ketaatan dan kepatuhan yang mutlak kepada segala suruhan Allah Subhanahu wa Taala.

### **Sidang Jumaat yang dirahmati Allah Subhanahu wa Taala.**

Peristiwa perubahan arah kiblat dari Masjidil Aqsa di Baitulmaqdis ke Baitullah di Makkah membuktikan kekuasaan Allah Subhanahu wa Taala memperkenankan hajat Rasulullah Sallallahu Alaihi Wasallam yang selalu berdoa agar dapat berkiblatkan Baitullah.

Dalam hal ini, bukanlah Baitul Maqdis atau Makkah yang menjadi tujuan, sebaliknya sifat ketaatan kita apabila menerima perintah Allah, tambahan pula menghadap ke arah kiblat merupakan salah satu syarat sah ibadah solat. Sabda Rasulullah Sallallahu Alaihi Wasallam dalam sebuah hadis yang diriwayatkan oleh Imam al-Bukhari dan Imam Muslim:

إِذَا قُمْتَ إِلَى الصَّلَاةِ فَاسْبِغِ الوُضُوءَ ثُمَّ اسْتَقْبِلِ الْقِبْلَةَ فَكَبِّرْ

Yang bermaksud: “Jika kamu hendak mengerjakan solat, maka sempurnakanlah wudukmu lalu menghadaplah ke kiblat, kemudian bertakbirlah untuk solat.”

### **Sidang Jumaat yang dirahmati Allah Subhanahu wa Taala.**

Sebagai mengakhiri khutbah, marilah kita bersama-sama memperkukuhkan perpaduan antara kita sebagaimana kita disatukan dalam menunaikan solat dengan arah kiblat yang satu, maka jauhilah perpecahan . Apabila kita berpecah belah, musuh-musuh Islam akan mudah mengambil kesempatan untuk menguasai kita.

أَعُوذُ بِاللَّهِ مِنَ الشَّيْطَانِ الرَّجِيمِ

وَاللَّهُ الْمَشْرِقُ وَالْمَغْرِبُ فَأَيُّمَا تَوَلَّوْا فَثَمَّ وَجْهُ اللَّهِ إِنَّ اللَّهَ وَاسِعٌ عَلِيمٌ ﴿١١٥﴾

Yang bermaksud: Allah jualah yang memiliki timur dan barat. Maka ke mana sahaja kamu menghadapkan diri (pada waktu bersolat atas perintah-Nya), maka di situlah kiblat yang diredai Allah. Sesungguhnya Allah Maha Luas (rahmat dan limpah kurniaan-Nya) lagi Maha Mengetahui.

بَارَكَ اللهُ لِيْ وَلَكُمْ فِي الْقُرْءَانِ الْعَظِيْمِ، وَتَفَعَّلِيْ وَإِيَّاكُمْ بِمَا فِيهِ مِنَ الْآيَاتِ  
وَالذِّكْرِ الْحَكِيْمِ، وَتَقَبَّلَ مِنِّيْ وَمِنْكُمْ تِلَاوَتَهُ، إِنَّهُ هُوَ السَّمِيْعُ الْعَلِيْمُ. أَقُولُ  
قَوْلِيْ هَذَا وَأَسْتَغْفِرُ اللهَ الْعَظِيْمَ لِيْ وَلَكُمْ، وَلِسَائِرِ الْمُسْلِمِيْنَ وَالْمُسْلِمَاتِ،  
وَالْمُؤْمِنِيْنَ وَالْمُؤْمِنَاتِ، فَاسْتَغْفِرُوهُ إِنَّهُ هُوَ الْعَفُوْرُ الرَّحِيْمُ.